



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

**Henricus, de Sancto Ignatio
Leodii, 1709**

Caput XIV. Alii sacri textus eundem in sensum proferuntur.

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

servationi, incremento & perfectioni vel necessaria, vel utilia sunt. Si advertat uia & confessione aliarum rerum se reperire, & implicari, ab illis protinus resilit, atque ab illis se continet, ut seipsum Deo acquirendo ac promerendo integrum castumque servet. Et hoc est quod S. Ignatius, Societatis Jesu Fundator, praeclarè docet in aureo Exercitiorum libro, ut vidimus lib. 5. citato n. 67.

C A P U T XIV.

Alii sacri textus eundem in sensum proferuntur.

109 *P*roferuntur imprimitur oraculum Salvatoris Luc. 18. *Quid me dicitis bonum? nemo bonus, nisi solus Deus.* Laudari non voluit Salvator de bonitate, ab eo qui ipsum existimabat hominem purum, ideoque laudem istam ad Deum non referebat. Propterē dixit: *nemo propter se bonus, nemo proinde propter se laudandus, nisi solus Deus.* Quod utique dixit; quia cetera bona, vel non sunt nisi apparentia; vel non sunt bona propter se, sed propter Deum, à quo & propter quem aliquid participant de bonitate ipsius. Proinde non sunt nisi media, quibus deducimus ad Deum verum bonum. Quam ob causam nec propter se amabilia sunt, nec laudabilia, sed propter Deum, qui solus est per se & propter se bonus, solus proinde per se & propter se amabilis.

110 *Cui sacro textui, si jungas complura alia Eloquia Sacra, libro sequenti preferenda, quibus creaturatum propter se amor inhibitetur, ex iis omnibus simul sumptis, manifestè concitatur, solum Deum esse posse finem omnis deliberati amoris, & actus nostri; Deumque proinde omni tempore, & opere deliberato, à nobis diligendum esse. Quandocunque enim deliberatè agimus, ex amore aliquo agimus, ut constat ex dictis lib. 5. ante caput I. ergo finaliter vel ex amore Dei, vel creature. Non enim datur medium, ut constat ex dictis lib. 4. cap... Cū igitur secundūm Eloquia sacra numquam licitum sit amare creaturam finaliter propter se, quandocunque deliberatè agimus, agere nos oportet finaliter propter Deum, sive ex amore Dei propter se. Igitur à primo ad ultimum, omni tempore quo deliberatè agimus, oportet nos amare Deum finaliter propter se. Qui proinde amor in nobis esse debet continuus actus vel virtute.*

III *Actu, inquam, vel virtute. Neque enim volumus, hominem teneri ad perpetuò eliciendos ē sinu cordis istos vel similes actus, Amo te Deus, ad gloriam tuam refero actiones meas, &c. vel ad perpetuò cogitandum actu de Deo: hoc enim (attentis tam multis virtutis nostræ distractionibus) impossibile est, nec certè necesse est ad verificandum Eloquia sacra, divini amoris perpetuitatem exigentia: cum affectiones divini amoris instar fulguris*

Sextus.

*non transeat & evanescant jugiter renovandæ; sed in anima radicatae & impressæ, eam redendant amore fervente, etiam dum de amore non cogitat. Patet in affectione fidei, de qua Apostolus: *Iustus ex fide vivit,* licet iustus de fide non semper cogitet; illa vero fides, ex qua iustus vivit, haud dubie est fides quæ per dilectionem operatur, ut alibi dicit. Ita proinde fides, per dilectionem operans, iusti vitam dicit, etiam dum de illa non cogitat. Imò, si Augustino credimus term. 7. de calend. Jan. *Nemo vivit in quacumque vita, sine tribus istis anima affectionibus, credendi, sperandi, amandi, etiam si de credendo, sperando, amando non semper cogitat.* De fide etiam christiana & catholica idem Augustinus 7. confess. 5. dicit: *Stabiliter habebat in corde meo... non eam relinquebat animus; immo in dies magis magisque imbibebatur.* Cerrum tamen est, quod de ea jugiter non cogitabat. Sic etiam avarus haud dubie pecunias amat, ambitionis honores, voluptuosus voluptates, quando de iis non cogitat.*

C A P U T XV.

Divini amoris ignem in altari cordis nostri jugiter (actu vel virtute) ardore debere, Augustinus & Aquinas tradidit, ipsisque reliquorum Sanctorum communis traditio concinit.

Divum Augustinum hac de re audivimus n. 112 56. dicentem, quod cum Deus præcepit, dicens: "Diliges Dominum Deum tuum " ex toto corde, tota anima, tota mente, nullam vita nostra partem reliquit, quæ vacare debet. Qui etiam tr. 8. in epist. Joan. n. 3. sic ait: *Opera modo illa sim in vobis, modo illa, pro tempore, pro horis, pro diebus. Numquid semper loqui? numquid semper tacere? numquid semper corpus reficere? numquid semper jejunare? ... modo illud, modo illud. Inchoantur illa, & cessant: ille autem imperatur, nec inchoatur, nec cessare debet. Charitas intus non intermitatur, officia charitatis pro tempore exhibeantur.* Numerò vero I. dixerat: *Affectus charitatis, sanctitas pietatis... semper hac tenenda sunt: sive cum in publico sumus, sive cum in domo, sive cum inter homines, sive cum in cubiculo, sive loquentes, sive iacentes, sive aliquid agentes, sive vacantes, semper hac tenenda sunt.*

Aquinas 2. 2. q. 83. a. 14. expressissime aper- 113 tissimeque dicit: Desiderium charitatis in nobis debet esse continuum, vel actu vel virtute.

Non minus expressa sunt verba Gregorii 114 Magni suprà n. 99. dicentes: Altare Dei est cor nostrum, in quo jubetur ignis semper ardere: quia necesse est ex illo charitatis flammam ad Deum indesinenter ascendere.

Author etiam Soliloquiorum (inter opera 115 Augustini) expressissime Deo dicit: Sicu nulla hora est, vel punctum in omni vita mea, quo tuo beneficio non utar; sic nullum debet esse momentum, quo te... non diligam ex omni fortitudine mea.